



MELELE KO ÑAN BAAMLE EO EJ KOKAJARIRI

Tukudu in melele ko raurok ñon baamle ro rej Ri Kojariri ñan DHS

*DHS – Ra eo an Human Services ej lorlorjake kojparok eo an ajri eo	*SW – Rijerbal eo an Ajri eo	*GAL – Juon eo lmon Ekjet eo ar jitoñe bwe en ri kenono ilo etan ajri im
*SSA - Ri jermal eo an ajri eo	*CWS - Opij eo ej an eddo ñon an kojparok aolep ajri ro	*FC – Ajri eo emoj an Kien eo bok jen jinen im jemen likit umin pain DHS ñan an kojparoke
kenono ilo etan ajri im ej lorlorjake kojparok eo an ajri eo	*PC – Armij eo lmon Ekjet eo aj jitoñe bwe en lale ajri eo mai iien eritto ak ñan indeo	*CASA – Juon eo lmon Ekjet eo ar jitoñe bwe en ri
*Ajri - Ajri eo ej bed umin pain DHS ak program in kokajariri eo ak emoj likit bwe kwon foster kokajaririki		
*CA/N - Wawein ko rejelet ajri ro ainwot manman ajri ak kain ajri ro rej jab lali		*RCG - Ri Kajariri eo DHS ak Kien eo ar jitoñe

Lajrak Ko	Melele Ko
Jikin eo kwonaaj kir ak call ñon am maroñ ebbok melele ak kappok jipan ej naetan “Warm Line”	<p>Warm Line eo, ej numba eo kwoj call ñon am bok melele, lelak et ak referral im call ñon am pukwot jiban. Ewor lajrak in ial in kappok jibañ ko ilo jukjuk im bed eo (kwomaroñ bar tobar melele kein ilo kilan am etal online ak internet ñan: www.FamilyProgramsHawaii.org), ewor kumi ro remaroñ jiban, im borainwot elolo program in kaminene ñon baamle ko reitoklimo in bok eddroin ajri ro rej bed umin program in naetan “Foster Care” ak jen ba foster kokajariri, eo em ej kain kokajariri eo me emaroñ kadu ak to kitien im er ejjitoñ jen Kien e oak DHS.</p> <p>Kir (808) 545-1130 (Oahu) ak 1-866-545-0882 (ilo ejjelok wonan jen outer island ko ilo Hawaii in),</p> <p>Epellok 7 raan ilo juon wiik, ilo kotaan awa ko jen 8:30 awa jibbon lak ñon 10 awa jota ak kwomaroñ bar tobar ilo kilan E-mail ilo: WarmLine@FamilyProgramsHawaii.org</p>
Kilan topar program in jen cell phone eo am ak “app” eo naetan: “Hawaii Foster Care Connections Mobile App” im kwoj maroñ download im kojerbal ilo cell phone eo am	<p>Kwoj maroñ topar jiban ilo am kojerbal cell phone eo am im kojerbal “app” eo Hawaii Foster Care Connections Mobile Application ñon am, ainwot juon eo ej Resource Baamle ak Ri Kajariri, kobalak im bok melele im am jibañ jen ro repojak in jibañ kon service ko ñon kake akuij ko am ilo am lolorjake jermal ko ainwot juon eo ej bok eddo in jermal in juon Ri Kajariri. Koba, kwomaroñ bar topar jikin ko rej lolorjak jibañ ñon jukjuk im bed eo, im borainwot kwomaroñ bar topar ro jet im rej bar bok eddro in jermal in im rej bar Ri Kajariri. Kwomaroñ kojerbal ilo iPhone ak Android cell phone ko.</p>
Jikin ebbok jiban elikin awa in jermal	<p>911 (Mon Polijman, Mon Ekkun Kijeek, Waan Emergency eo an Hospital):</p> <ul style="list-style-type: none"> Emergency -iien ko ewor jorrean ak ekauatata (ainwot iien ko kwoj kile ke ewor nañinmij em ejelet mour ak ewor irre ak akwel im emaron wor jorrean ak mij) Ñe ajri eo eko jen iturum ak jen mewo

	<p><u>Numba eo kwoj kir ñan am kinaklak ikkijen ajri ro kwoj kile ke rej bed ilo kauatata jen an ro jineir ak jemeir lab jen joñan aer mane ajri eo ak jab lale ajri eo: (808) 832-5300 (Oahu) ak 1-888-380-3088 (ilo ejjelok wonan ne kwoj bed ilo aeloñ ko jet i-Hawaii)</u></p> <ul style="list-style-type: none"> ▪ Ñan am lelok etan ak kinaklak ikkijen arji ro kwoj kile ke mour ko aer rebbed ilo kauatata ▪ Ñan am kappok jibañ ak melim ñon am polak ajri eo ej akuuj takto <p><u>Numba ñon am kinaklak ro rej koot ajri ak kwoj kile ke ro rej bok eddroin ajri eo rej kakwiliki ak kakure ajri eo: 1-888-398-1188 ak ilo kilan fax im ejjelok wonan: 1-888-988-6688</u></p> <ul style="list-style-type: none"> ▪ Ñe kwoj kile ke ajri eo ej bed ilo kauatata, ainwot rej kakwiliki ajri eo ak kommane bwe ajri eo en kommone jermal ko ak men ko rej jab ekkar, ainwot kakure ak kokañ kon ajri eo <p><u>Numba eo ñan am ebbok jiban ñon ro ewor majno ilo kemlij naetan “Adult Mental Health Division (AMHD) Crisis Line of Hawaii”: 1-800-753-6879</u></p> <ul style="list-style-type: none"> ▪ Ewor jibañ jen ro ewor aer mimnene im jele kin wawain ko rekkar im jimwe ñon aer jiban ro ewor aer majno ilo kemlij
<p>Jermal im Eddo Ko an Ri Kajariri Eo</p>	<p>Ri Kajariri eo bok eddroin ajri rein ilo kilan foster kokajariri rej naetair ilo kajin belle Resource Caregiver ak jen ba Ri Kajariri eo. Jen wot menin, aurok bwe ro rej Ri Kajariri ren jermal ippen ro ilo DHS im jiban pukot aenommon im mejlan aban ko ñon baamle eo bwe arji rein rej foster kojariiki ren maroñ rol non ippen jineid im jemeid. Ak, ñe ejjab bwilin ippen ro nukuid im rej ebaak ñon im maroñ kokajaririki ajri rain mae iien eo reritto. Ekkar ñon ta aikuuj ko, rein rej Ri Kajariri remaroñ aikuuj in bok kunaer im koman juon kwelak mokta ippen jinen im jimen ajri eo. Jet iien ewor Ri Kajariri ro rej itoklimo bwe ren jermal ippen jinen im jemen ajri ro mokta im jibañ tol ak katakni er bwe en bolemen wawain an mama im baba ro kojparok im lale ajri eo ak ro nejeir. Jibañ ko jen Ri Kajariri eo emaroñ itok ilo eloñ wawain ko ainwot, jipan ilo komman iien lo dron kotoan jinen im jemen im ajri eo, ak ajri eo im ro jein im jatin. Koba, remaroñ bar bok kunair im lolorjake aikuuj ko an ajri eo ekkar umin men ko ainwot manit, ejmour ilo enbwin im kemlij, jelalakjen im kabun.</p> <p>Eddo eo an Ri Kajariri eo ej ñon an kaenemon e ajri eo ej foster kojariiki ak jibañe bwe en mour ilo “Normalcy” ak ainwot ba mour in aenemon eo im ajri eo eminene kake. Mour in aenemon ñon ajri eo rej bed ilo foster kokajariri ej juon mour eo ajri eo ej eñjaak iakwe, ewor an loke, ej itoklimo non an komman mottan kaal ak ikkure ippen ro mottan, ej itoklimo non an bok kulan ilo ikkure ko elikin jikuul, ej kile ke e armij im eor an maroñ bwe en emonono im mour ilo aenemon, ej kile ke ejab e abañ</p>

	<p>im emaroñ komman an make bebe, ej itoklimo bwe en kajjeoñ men ko rekaal ñon e, im ej kile ke jet ien jej komman bod. Ri Kajariri ro rej kile ke ajri ro rej katak jen bod ko aer im ejjab melelein ke ir renana bwe re komman bod, botab ej kile ke renaaj katak jen bod ko aer im ej jab unin bwe kwon jilikinlak er.</p>
<p>Kolla ko rej karolwaj ñon wonan an foster kokajariri eo jokwe ippam</p>	<p>Ri Kajariri ro rej kolla aolep alloñ. Kolla in ej naetan “Foster Board Reimbursement” im joñan kolla in ekke non jete an ajri ro iio:</p> <ul style="list-style-type: none"> ▪ 0-5 an iio \$649 juon alloñ ñon juon ajri. ▪ 6-11 an iio \$742 juon alloñ ñon juon ajri. ▪ 12 iio loñlak \$776 juon alloñ ñon juon ajri.
<p>Jaan in jibañ ñon ro jet re lale ajri eo ilo am jarbal ak bwe ajri eo en etal ñon Preschool</p>	<p>Emaroñ wor jaan in jibañ ñon ajri ro rej aikuj aer ri lale er in raan ñe kwoj jermal ak ñon aer preschool. Program ko remaroñ jiban rej koba, “Childcare Connections, Preschool Open Doors”, im “Kaiki O Ka Aina (KOKA) Family Learning Centers” (ñon Ri Hawaii im Ri Indian ro an Amerika).</p> <p>Kir lak Warm Line eo ilo 545-1130 (Oahu) ak 1-866-545-0882 (ejjelok wonan call) ñon am bok melele ak ñon am lelok etan eo rej kwoj kile ke program kein remaoñ jibañ e.</p>
<p>Folder in Melele Ko Ikkijen Ajri Eo</p>	<p>Eor juon folder rej naetan “CIF” ñon aolep ajri ro rej bed ilo foster kokajariri. Ilo CIF kain, ebed aolepen melele ko an ajri eo ikkijen emjour, wawein mour eo an ainwot ia eo ej itokjen/manit im kabun eo an im ko jet, koba pepa ko jen jikuul im pepa ko ak aolepen melele ko ikkijen ajri eo im rebed ippen opij eo an DHS ilo ien eo rej lewaj ajri eo bwe kwon Foster Kokajaririki. CIF in ej akuuj bed ak rej aikuj lewoj non kwe ilowan raan ko 30 elikin aer kappeik eok bwe kwon lale ajri eo. Borainwot, rej kojerbal folder in CIF in bwe ren kakwone aolepen melele ko im karok ko emoj lelok ñon Ri Kajariri eo ilo iien eo rej lewoj ajri eo bwe kwon foster kokajaririki. Ñe ajri eo emakit jen mwewo imon Ri Kajariri eo, folder in CIF in ej aikuj rol ñon ippen ri jermal eo an ajri ej lolorjake case eo an ajri eo ak Social Worker eo.</p>
<p>Jaan in wia nuknuk</p>	<p>Ewor purchase order ak remaroñ karol waj wonan am wia an ajri eo nuknuk (ainwot jiliñij ñon jikuul ak uniform), juuj, im kal. Ilo juon iio joñan jaan in eban le jen:</p> <ul style="list-style-type: none"> ▪ \$810 juon ajri tarin 0-5 an iio ▪ \$822 juon ajri tarin 6-11 an iio ▪ \$1026 juon ajri 12 an iio im loñlak <p>Mokta jen am wia nuknuk, kwoj aikuj bok melim jen ri jermal ro an ajri. Kir lak Social Services Assistant eo ak Social Worker eo mokta jan am wia. Kojparok aolep receipt ko am jen mon wia ko bwe pepa in kamol ko am kein kwonaaj akuuj kwalok ñon er bwe ren karol waj jaan ko am kwar kojerbal ñon am wia an ajri eo nuknuk.</p>

	<p>Barainwot, ri jermal ro an ajri eo ak Social Worker emaroñ kepaklak jinen im jemen ajri eo im ainiwaj nuknuk ko an ajri eo.</p> <p>Jaan in jibañ in ñon wia nuknuk ej etal ñon aolep ajri ro rej bed ilo umin pain program in Foster in ekoba ajri ro rej foster kokajariri, ajri ro emoj elolo aer baamle bwe ren bed ippeir ñon indeo, im bar likao im jiroñ ro reritto im rej bed ilo program eo naetan “Imua Kakou” im ro rej jikuul wot ilo college ak jikuul in training ko.</p>
Nuknuk ñon program ak ikkure ko ejjelak in jikuul	<p>Kien eo enaaj borainwot karol waj wonan am wia uniform ko ñon ikkure ko ak sports im bar program ko jet an jikuul ko ainwot prom. (Joñan jaan in ej jab le jen \$125 ñon juon ajri ilo juon iio). Mokta jen am wia, kwoj akuij bok am melim ippen Social Services Assistant eo ak Social Worker eo.</p>
Droloul ko naetair “Helping Hands Hawaii’s Community Clearinghouse” im “Family Programs Hawaii’s Care to Share Project,” ko im ewor jibañ	<ul style="list-style-type: none"> • <i>Helping Hands Hawaii’s Community Clearinghouse</i> emaroñ jibañ kon mennin aikuij ko ainwot nuknuk im putoñ an niñniñ im ajri. Kepaaklak ri jermal in kien eo an ajri eo ak Social Worker eo bwe en kojelaiklak, ilo kilan fax, bwe ren komman am appointment ippeir. 440-3857. Jibañ in eppelok wot ñon ro ion Oahu. • <i>Family Programs Hawaii’s Statewide Care to Share Project</i> ej jibañ pukut ro ilo jukjuk im bed eo am, ro im remaroñ jibañ eok kon aikuij ko an ajri eo. Drolul in ej jermal ion aolepen aeloñ ko ilo State eo an Hawaii. Kir lak numba eo an naetan Warm Line ñon melele ko relaplak. (Lale melele ko iloñ ikkijien Warm Line numba eo).
An mo am aje melele ko ikkijien arji eo	<p>Emo am aje ak kenono ñon ro jet ikkijien aolepen melele ko kwoj bok jen Ra eo an Human Services ak opij ko jet ikkijien ajri eo im baamle eo an <u>kin menin jab kenan wan ippen ro jet ikkijien ajri eo kwoj foster kokajaririki</u>. Melele ko rej lewaj ikkijien ajri eo ej bwe kwe make, kwon jela im kwon maroñ jipañ kojparok ajri eo ilo wawein eo ejijet im bolemen ñon aikuij ko ajri eo.</p>
Jaan in jipañ ñon kain ajri ro ewor abañ ippeir ainwot ilo kemlij ak enbwin	<p>Ñe ewor an ajri eo kwoj foster kokajaririki abañ ilo kemlij ak enbwin im kwoj aikuij kollaik wonan program ko rej jibañ jelmai abañ kain, ewor jaan in jibañ. Joñan jaan eo emaron topar tarin \$570 ilo juon alloñ. Jaan in jipañ in ej naetan “Difficulty of Care (DOC) reimbursement”. Kepaaklak ri jerbale eo an ajri eo ak Social Worker eo an bwe en jibañ eok lorlorjake jaan in ba kake.</p>
<u>Emo</u> mane ajri eo ak lelak paim ñan e	<p><u>Eluukun mo im mo</u> am lelak paim ak mane ajri eo. Ñe kwoj añjaak am enebata ak illu kon manit ko an ajri eo mokaj im kir lak ri jermal eo an ajri eo ak Social Worker eo an, therapist eo, Warm Line eo, ak opij in jipan ko jet im kajitok jipañ kon wawein ko jet kwomaroñ kojerpal ñan am katikni ajri eo im kajimwe mwilin.</p>
Wawein boktok aenemon im mimnene ñon ajri ro ak jodrikdrik ro rej bed ilo program in foster kokajariri	<p>Kwon liñiri melele ko rej laajrak ilo “<i>Normalcy Guidelines</i>” eo bwe en uaak kajitok ko ekke aer waloñtak ippen ro rej jermal in Ri Kajariri ñon aer jipañ kainemone ajri rein ilo program in foster kokajariri in. Melele kein emoj aer lajrak ekkar ñan iio eo an ajri eo,</p>

<p><i>Jab mokaj im ba “JAAB” mokta jen am “BOK MELELE”</i></p>	<p>manit im kabuñ eo an im ko jet bwe en jipañe ajri eo bwe en jab bed wot im buromoj im inebata ak en itoklimo ñon an bok kunan im ikkure im en ainwot ro jet mottair ilo jikuul. Melele kein rej ñon an Ri Kajariri eo jela wawein kajariri. Ri jermal eo an DHS licensing enaaj lewoj am copy in melele kein ilo kwelak eo amiro jinointata.</p>
<p>License in ettor wa non jodrikdrik ro</p>	<p>Ra eo an Human Services ak DHS wot make emaroñ kamelim im sign-i application in license in ettor wa eo an jodrikdrik eo im ej bed umin program in foster kokajiri. Kapaaklak company in insurance ñan wa eo waam im lale ta eo ekkar ñon am maron kobaiki etan jodrikdrik eo kwoj foster kokajariki bwe en maron kattor e wa eo waam. Rol lak im liñri melele ko ilo papa eo naetan Don’t say “NO” Before you “KNOW”, ilo am jibañ kepoaj jodrikdrik eo ilo an rittolak im katak mour.</p>
<p>Jaan in jipañ naetan Enhancement Fund im Jaan ko jen DHS ñon kainemone Ajri eo</p>	<p>Kottopar eo an DHS ej bwe en jibañ leloñtak ajri ro im jodrikdrik ro ilo foster kokajariri bwe ren maroñ mour ilo aenomom im ren bok kunaer ilo emakitkit ko kajojo ilo jukjuk im bed eo im barainwot ippen emaktikit ko an baamle eo an Ri Kajariri eo, ainwot ilo iien aer jambo non ijoko jet im kakije ak vacation. Bwe CSW en maron karol waj wonan jumbo eo an foster kokajariri eo, kwoj aikuij lelok pepa in kamol ko ainwot receipt in baluun eo ak boarding pass. Ewor an aolep ajri ro im jodrikdrik ro umin foster kokajariri jaan in jipan jen program jab in. Ñan am apply, kapaaklak opij kein rej lajrak ilal:</p> <ul style="list-style-type: none"> ▪ Friends of Children’s Justice Center of East Hawaii and Maui ▪ Family Programs Hawaii (FPH) for Oahu and Kauai ▪ Kids Matter-Friends of the Children’s Justice Center of West Hawaii <p>Jaan in jipañ kein repellok ñon an ajri ro im jodrikdrik ro bok kunaer ilo program ko ilikin jikuul, ñon an ekake iion baluun ippen baamle eo, camp, ikkure ko im program ko an jikuul im bar ko jet. Tarin jaan in jibañ in ej \$500 ñon juon ajri ilo juon iio. Ebar wor jaan in jipan jen DHS ñan an ajri ro im jodrikdrik ro bok kunaer ilo trieep ko, program ak ikkure ko ilikin jikuul ak ilo jukjuk im bed eo.</p> <p>Jouij im kapaak ri jermal eo an ajri eo ak Social Worker eo an ñon jabdrewot jaan in jibañ ko kwoj aikuij ñan am kake aikuij ko an ajri eo. Kwomaroñ elolo am pepa in apply ñan jaan in jibañ in ilo online. Etal ñon website eo an DHS ak FPH.</p>
<p>Jipañ ikkijen eowaj ko jen Kien eo lolap (Federal Tax Benefit)</p>	<p>Ilo am kolla wonan aikuij ko an foster kokajiri eo, ewor jet eowaj ko kwomaroñ in jab aikuij kollaik. Ro rej Ri Kajariri remaroñ borainwot lajrake ajri ro rej foster kojaririk ainwot “dependent” ilo pepa in income tax ko aer. Ri Kajariri rej aikuij kapaak lak opij eo an Internal Revenue Services, Opij in Tax en an State eo an Hawaii, ak juon accountant in tax ñon melele ko relaplak. Bwe kwon maroñ kobaikwaj etan ajri eo</p>

	<p>kwoj foster kokajaririki ainwot am “dependent,” ajri eo enaaj kar aikujin kar jokwe ippam tarin jijno (6) alloñ ko.</p>
<p>Jaana in jipan ñon program in summer im ko jet ilo jukjuk im bed eo</p>	<p>Ñe kwoj kolla wonan program ko ilo jukjuk im bed eo ainwot: scouts, YMCA, YWCA, Boys & Girls Club, ikkure ko ainwot soccer im iakiu bwe ajri eo kwoj foster kokajaririki en maroñ bok kunan, eokwe kien eo emaroñ bar karolwaj wonan. Kwoj maroñ apply ñon am jab kolla wonan jet ian program ko ainwot “Summer Fun Program” ko an City im County. Kapaaklak ri jermal eo an ajri eo ak social services assistant eo ak social worker eo bwe remaroñ jibañ eok.</p>
<p>Juon eo Imon Ekjet eo ej jitoñe bwe en kenono ilo etan ajri ak jodrikdrik eo naetan “CASA” ak GAL</p>	<p>Imon Ekjet eo enaaj jitoñe juon bwe en kenono ilo etan ajri eo ej bed ilo foster kokajariri. Rein rej naetair “Court Appointed Special Advocate (CASA)” ak “Guardian Ad Litem (GAL)”. Emman ñe kwobok am iien jele kajjen CASA ak GAL eo an ajri eo. Bok telephone numba eo an CASA ak GAL eo bwe armij in Imon Ekjet eo ar jitoñe, emaroñ bar jibañ eok kenono ilo etan ajri eo (numba eo an ebar bed ippen ri jermal eo an ajri eo ak Social Worker eo).</p>
<p>Jet wawein ko ñon kapirooiki amjermal ippen kumi eo im rej jerbale ippam kon case eo an ajri eo kwoj foster kokajaririki</p>	<ul style="list-style-type: none"> • Ñe kwo aikuj likit am message ilo telephone eo an ri jermal eo an ajri eo ak social worker eo im opij in jibañ ko jet: <ul style="list-style-type: none"> ▪ Jab irijet am kenan bwe en emman aer roñ, lelok etam im telephone numba eo am, etan ajri eo kwoj foster kokajaririki, unin am call, im naat eo emman bwe ren karol waj call eo am ▪ Ñe unin call ej kon insurance in takto, wonan nuknuk ak kolla ko jet kwoj maron apply non, kwon kepaake social services assistant eo ▪ Ñe kwoj aikuj in kenono ippen ri jermal ro jen DHS ilo iien eo emokajtata, call e numba eo im ilo am ronjake recording eo kwonaaj roñ bar juon numba kwomaroñ call ak kwomaroñ jibedre “0” im kajitoke ri jermal eo rej naetan “Office Duty Social Worker” eo. Ñe ejab, kwoj bar maron kenono ippen ri jermal eo rej naetan “Unit Supervisor”. Ñe ejab DHS Licensing Worker eo. ▪ Kwomaroñ bar “text” lak ri jermal eo an ajri eo ak social worker eo. • Ñe ejjelok toprak ilo am call, kiio kwon Email Social Worker eo, im kobaikwaj ilo email eo am boss eo an ak Social Worker Supervisor eo • Ro jet kwomaroñ bar kepaak rekoba GAL ak CASA ñe kwoj eo im ej kenono ilo etan ajri eo. Ñe ejab, “therapist” eo ak takto eo ñe kwoj aikuj jibañ ikkijen mwilin ak kalemonlakjen eo an ajri eo im ejelet e an aenemon.

	<ul style="list-style-type: none"> • Ekka an wor takto in therapist eo numba kwomaron call e elikin awa in jermal ñe ewor emergency. Kwon bok etan ro kwoj jermal ippeir im aini aolepen numba ko aer im kakwoni bwe ren pojak im biroro am loi ilo iien eo kwoj aikuuji.
<p>Wonan jikuul ilo college ak program in kaminene ko jet naetan Higher Education Board Payments</p>	<ul style="list-style-type: none"> • Ñe jodrikdrik eo kwoj foster kokajaririki ekanan jikuul ilo college ak program in kaminene ko jet im emoj an qualify: <ul style="list-style-type: none"> ▪ Program in naetan “Higher Education Board Payments” ej kolla tarin \$776 juon alloñ mae iien jodrikdrik eo kwoj foster kokajaririki etobar 26 an iio. Ebar wor wonan wia nuknuk ñan aolep ajri ak jodrikdrik rain rej bed ilo foster kokajariri. Jaan in jibañ kein rej itok jen druoul eo naetan “Imua Kakou” im jen “Higher Education Payments” eo. Kenono ippen ri jermal eo an ajri eo ak social worker eo. • Wonan jikuul in kaminene naetan “Education Training Voucher” (ETV): <ul style="list-style-type: none"> ▪ Aolep ajri ro rar drik im rittolak umin program in foster kokajariri in an DHS im retopar 18 aer iio, ekoba ajri ro 16 aer iio im rittolak im emoj aer durojlak jen umin pain DHS bwe emoj an imon ekejet eo ijitone aer legal guardian ak ri kojariri, eokwe ajri rein rej bar maroñ bok tarin \$5,000 ilo juon iio ñan jiban kollaik wonan aer jiluul mae iien retopar 26 aer iio.
<p>Kokajaririk Niñniñ</p>	<p>Kwomaroñ bok melele ko ikkijen wawein kokajaririki niñniñ eo im kojparok e ippen ri jermal eo an ajri eo ak social worker eo im ri jermal in DHS Licensing eo, takto ao an ajri eo, im ro jet ikkijen wawain kojparoke.</p> <p>Ewor program in jibañ naetan “Women Infant Children” (WIC) eo im kwoj maroñ apply non ajri eo lalim (5) an iio im lal lak im kwoj foster kokajaririki. Program in an WIC ej jibañ kon milik in ninnin im moña ko rej uñ kubdren.</p> <p>JAB kakajkaje ak ainwot rukruke niñniñ ak ajri eo, EMO! Kain emakitkit rot kain im rej kakajkaje ak rukruke emaron kakkure kemlij eo an niñniñ ak ajri eo im komane bwe en mij.</p>
<p>Kakwone aolepen pepa ko</p>	<p>Kwon je im record e ilo papa aolepen men ko kwo loi ikkijen ajri eo kwoj foster kokajaririki. Ko ainwot mwilin, wawein an moña, men ko remman ippen borainwot men ko edriki. Koba, kojparok aolep record ak pepa in takto ko an, pepa in jikuul ko an, telephone numba ko an ro rej jermal e case eo an ajri eo, iien ko ri jermal ro an ak social worker ro an rej lo tok ajri eo, iien ko ajri eo ej lolak baamle eo an jinen im jemen. Kakwone juon am pepa, eo im ej kwalak lajrak in aolepen armij ro nukun, koba ri jermal ro rej etale case eo an ajri eo. Pepa in en lajrake etair, ia ko rej jermal ie im telephone numba ko aer.</p>

<p>Insurance ñe ewor jorrean ewalok</p>	<p>Ewor insurance ñon aolep ri jermal in DHS, ro im ewor aer license in jermal in Ri Kajariri ñon ajri ro rej foster kokajaririki. Insurance in and DHS ej “LIMITED” melelein emaroñ jipan kon jet jo wot ian jidriklak in jorrean ko rewalok ilo am jermal ainwot juon Ri Kajariri. Liñiri melele ko ilo pepa ko ippen ri jermal in DHS Licensing eo. Aurok bwe aolep ro rej jermal ainwot Ri Kajariri ren make wia aer insurance ñon aer kojerparok imoko mweid jen jorrean ko remaroñ jidrilak im walok.</p>
<p>Insurance in takto</p>	<p>Ewor an aolepen ajri ro umin program in foster kokajriri insurance eo im ej naetan State’s Medicaid Program. Card in insurance in takto eo an ajri eo, enkar uwoj ñon kwe. Ñe kwoj jañin loe, ak kwoñak ia eo ajri eo emaroñ takto ak koman ñii ie, ak ñe ejjeb, ñe kwo konaan ukot jikin takto eo an ajri eo, jouij im kepaklak ri jermal eo an ajri eo ak social services assistant eo.</p>
<p>Wonan am etur tok-etur tak kon wa eo waam</p>	<p>Kien eo emaroñ karol waj wonan am ito-tak ilo am poklak ajri eo kwoj foster kokajaririk ñon appointment in takto ko an, ak bwe en lo lak baamle eo an, ak ñon an etal ñon program ko an jikuul im tireep ko jet kwoj komane ilo etan ajri eo. Rej karolwaj wonan ekka ñon joñan mile ko kwar ettor. Kir lak ri jermal ro an ajri eo — social services assistant eo ak social worker eo non melele ko relaplak.</p>
<p>Nuuj leta</p>	<p>Aolep kwota ewor juon nuuj leta ej druijtok jen DHS im remaroñ jilikwaj ñan kwe aniwot juon eo ej Ri Kajariri. Nuuj leta in ej ñan aje melele ko ñan baamle in Kajariri ro im ej komman jen droulul eo naetan “PIDF-Hui Ho’omalua Statewide GLUE Committee”. Bwe en uwoj am copy in nuuj leta in, kir lak Hui Ho’omalua ilo (808) 441-1125 ion Oahu ak 1-888-879-8970 (Ejjelok wonan).</p>
<p>Kwelak an baamle eo, melele ko jen baamle eo, im iien kobalak im jela nae baamle eo</p>	<p>Juon drolul eo naetan “EPIC ‘Ohana Inc.”, ej jermal ilo Hawaii in im ej kommane kwelak ko ippen baamle eo an ajri ro rej bed umin program in foster kokajariri in an CWS. Kwelok kein rej koba tok nuki ro bwe ren kenono ikkijien aikuij ko an ajri eo im pukut mejlan abañ ko bwe ajri rein ren maron droij jen foster kokajriri im rool ippen baamle ro nukied ak ro jet, ro im remaron bed ippeir ñan indreo. Ke kwo ro kwoj Ri Kajariri aurok bwe kwon bed ilo kwelak kein ñe rej komani. Borainwot ewor am melim bwe kwon jermal ippen EPIC ‘Ohana bwe ren jipan eok kir juon kwelak ippen baamle eo. Jodrikdrik ro rej bed ilo program in foster kokajriri remaroñ bar kepaaklak EPIC ‘Ohana bwe ren jipañ er. Kir lak: (808) 838-7752 (Oahu) ak 1-866-636-1644 (Ejjelok wonan call).</p>
<p>Kilaaj ñan mama im baba ro</p>	<p>Program eo naetan “PATCH” ej komman eloñ kain kilaaj ko ejjelok woneir ak edrik woneir ñan katokni mama im papa ro. Kilaaj kain am mama im papa ro re bar pellok ñon Ri Kajariri ro umin juon contract Ra eo an DHS emoj an karok e. PATCH ej leto-letak melele ko ñon aolep ro rej bed umin DHS. Ñan kain jibañ ko jet mama im papa ko</p>

	<p>remaron aikuij kom maron kir lak Warm Line eo ilo (808) 545-1130 (Oahu) ak 1-866-545-0882 (Ejjelok wonan).</p> <p>Ebar wor juon program eo ej bed online Fosterparentcollege.com, kir lak Warm Line eo bwe ren kadreloñ eok ilo program in.</p>
<p>Takto ñon nañinmij ko rejelet enbwin ak kemelij</p>	<ul style="list-style-type: none"> • Ajri ro ilo program in foster in im ewor aer mojno ak nañinmij ilo enbwin ak kemelij (ekoba ro rej buromoj ak enebata) remaroñ takto umin MedQuest Health Plan eo. • Ajri ro ilo program in foster remaroñ bar bok aer jiban jen program ak “therapeutic” service ko (ko im rej komman ikkijen ro im eor are majno ilo kemelij ak enbwin), jen jikuul eo, ñe arji eo emoj an melim bwe en bed ilo program kain im ñe emoj an koba ilo “Individual Education Plan (IEP)” eo an ajri eo. Jerbal ippen ri jermal eo an ajri eo ak social worker eo, ak jikuul eo im eo emoj jitoñte e ainwot juon “Surrogate Parent” an ajri eo jen Ra eo an Jelalokjen. • Ajri ro ilo program in foster remaroñ bar bok aer jibañ ñon “therapeutic” service ko jen Ra eo an Ejmour ak Dept. of Health-Child & Adolescent Mental Health Division (CAMHD). Jerbal ippen ri jermal eo an ajri eo ak social worker eo bwe en lelok etan ajri eo. • Kenono ippen rijermal eo an ajri eo ak social worker eo kon jabdrewot inabata ko ak lomnak ko am ikkijen “therapeutic” service ko rej etal ñon ajri eo.
<p>Book in Kamelele ñan Ri Kajariri ro</p>	<p>Melele kwoj aikuij ainwot juon eo ej Ri Kajariri ej bed iloan book in kamelele in im ri jermal in DHS licensing eo enaaj lewoj am copy in book in ilo kwelak eo amiro am jinointata.</p>
<p>Kilan im lelok etam im ebbok am license bwe baamle eo am en maroñ kakajariri ilo Foster program eo</p>	<ul style="list-style-type: none"> • Ñe ewor juon eo kwojela ke eitoklimo in bok an license bwe en maron Ri Kajariri ilo foster program eo, jouj im letok etan ñon Hui Ho`omalua ilo (808) 441-1117 ak 1-888-879-8970 (Ejjelok wonan call). Ñe kwelelak etan ro jet im reitoklimo in erum Ri Kajariri umin foster program im etobrak license eo aer, eokwe enaaj uwoj am gift card tarin \$200. • Ñe ro me rej kokajaririk ajri kadredre – wawein eo naetan “child-specific resource family” – im reitoklimo im bar kokajaririki ajri ro jet. Ainwot ajri ro jen niñniñ lak ñon jodrikdrik ro ak jen ba rekonan erom “general license resource family”, jouj im kebaak lak ri jermal in licensing eo. • Training im license ko rej kommani ñan ro rej foster kokajaririki ajri ro nukuir ak ajri ro rejela kojjeir ej komman jen ippen droulul eo naetan Catholic Charities Hawai`i eo im emoj an DHS contract ippair ainwot ro im rej ba “Partners in Development” im er eo rej komanai training kain.

Jikin Bok Melele	Warm Line eo ilo Hawaii ewor an library im kwomaroñ ebbok ak borrow am book in riit ak DVD ñon am alooj pijin ekatak kin wawein foster kokajariri. Ri Kajariri ro remaron kauñuñ aer awa in training ilo aer liñiri book ko ak alooje pijain training ko emoj kepooji.
Jaan in jibañ ñe kwoj konaan kakije	Ñe kwoj aikuij am iien kakije ak vacation, eor jaan in jibañ eo naetan “respite funds,” eo im kwomaroñ apply ñon bwe kwon maroñ kollaik an bar juon kokajaririk ajri eo kwoj foster e ilo iien eo kwoj vacation. Ej kunam make pukuot juon an ri binej jenkwam ak am ri kota. Ej am eddo bwe kwon kepooj juon am ri kajariri ilo iien eo kwoj jako im bwe eo kwoj kelete en ejela ta eo en komane ilo an binej jenkwam im ta eo en komane ilo iien emergency. Borainwot, en jela wawein ko rekkar im jimwe ñon an katikni ajri eo ñe ej bot. Im en bar melele ke emo konono wan kon ajri eo ñon ro jet. Ewor jetjo wot jaan aolelp iio rej maroñ jermal ñon menin. Kir lak ri jermal eo an ajri eo ak social services assistant eo ak social worker eo. (Ejjelok jaan jen program in non kollaik wonan moko naetair “On-Call RCG-Emergency Shelter Homes and Shelters” ak kain moko me an ro rej homeless)
Benefit ak jibañ ko jen Jikuul ko	Lale ippen jikuul eo ñon am apply im lale ñe remaroñ kadriklak ak jolok wonan an foster kokajariri eo moña in raelip, uwe ilo bus ko, im bok kunan ilo program ko ekilin jikuul naetan After School Plus (A+), ak bar jolok wonan tuition non jikuul in summer. (Mokaj im apply non am jolok wonan tuition ñon summer school bwe jejo wot pellok ekkar ñon joñan moni ko ñon ajri ro rej bed ilo foster kokajariri). Ñe rejab lewoj an ajri ro bus pass ilo ejjelok wonan, lale ippen ri jermal eo an ajri eo ak Social Services Assistant ak Social Worker eo bwe ren jibañ karol woj wonan bus ak komman am juon purchase order ñon air lewoj wonan bus. Kamejmej im kalikar ilo iien am apply ke ajri eo ej am foster kokajariri – kwalok etan im telephone numba eo an ri jermal eo an ajri eo ak social worker eo bwe en emman aer jermal e application eo an. Lale ippen jikuul eo ñe ebar loñ kain jibañ ko jet ainwot scholarship ko jikuul eo ej bar ajej. *Lale: Jouij im lomnak kon ta ko ajri eo emaroñ eñjaki bwe ewor iien ajri rej jook im enebata bwe rej mour in foster kokajariri.
Wonan Jikuul in Summer	Eor jaan in tuition ak scholarship non jikuul in summer jen Kamehameha School ñon ajri ro ewor botoktok in Hawaii ippeir. Ñon aer kalikar ke eor botoktok in Hawaii ippen ajri eo, Jibun ak Jimman ajri eo ar aikuij in ri Hawaii ak ajri eo ebbod ilo ebenben eo kain kijilu (3). Kapaak lak “Ho’oulu data center” eo bwe ren jino etale im lale ñe ewor an ajri eo botoktok in Hawaii ippen.

<p>Ilo am kojerbal Social Media (ainwot Facebook im ko jet)</p>	<p>Emo an Ri Kojariri eo likit etan ak pijain ajri eo ak jebdrewot kain melele ikkijen ajri eo ej foster kokajaririki ilo social media (ainwot Facebook im ko jet).</p>
<p>Jaan in jipañ wonan takto</p>	<p>Eor jaan in jipan wonan takto im uno ñon Ri Kajariri eo ak ro uan imweo mon Ri Kajariri eo, joñan eo ej tarin \$500 ñon kajjo iien ak ñon juon armij, ekkar ñan aikuij eo jen wot nañinmij eo, ainwot Hepetitis B ak ko jet. Kowj aikuij kepaak ri jermal eo an ajri eo ak social worker eo mokta im karok wonan kain karreo ko ñon mweo. Uno ko im kain jermal ak jibañ ko jimor rej aikuij bwe ren menin aikuij ko ekkar ñon nañinmij eo an ajri eo ej foster kokajariri.</p>
<p>Drolul in Jibañ Ko</p>	<p>Eloñ drolul ko rej jibañ ilo jukjuk im bed ko kajojo.</p> <p>Lale ilo online www.FamilyProgramsHawaii.org im kelet 'RFSS Events' non lajrak in ia ko ewor drolul ko remaron jiban, ne jeb kir lak Warm Line eo ñan melele ko relaplak. (Lale Warm Line eo)</p> <p>Ewor jipañ ilo online aolep kwota.</p>
<p>Ewor bar jibañ jen ro me rej komman Counseling Support Services ko</p>	<p>Department eo ej contract ippen drolul in jipañ ko kajojo ilo aolepen Hawaii in bwe en wor jipañ ko rej katipuuj aolepen aikuij ko an baamle ko, ñan aer kabolemen imweo ak jen ba "Comprehensive Counseling & Support Services" (CCSS) (jipañ kein rej pellok non aolep baamle ko im bar ñon baamle ko rej Ri Kojariri ajri in foster). Kir lak ri jermal eo an ajri eo ak social services assistant ak social service worker eo ñon am bok melele ko relaplak im bwe kwon maroñ bok kunam ilo program kain.</p>
<p>Program in Kaminene Ko</p>	<ul style="list-style-type: none"> • Eor kaminene ej bok jikin tarin aolep iio im kwoj aikuij in boke ñon am maroñ license in Ri Kojariri. Program in kaminene in ej bok tarin jijno (6) awa (en jab driklak) im kwoj aikuij kommane aolep iio, ak kwomaron bar bok training eo me ej bok joñoul ruo (12) awa bwe license eo am en maron jermal umin ruo iio. • License in Kokajariri in ej komman ippen drolul eo naetan Hui Ho'omalua eo im DHS ar contract er bwe ren komane. Ewor training ak kaminene rej komman aolep iien im ej komman ippen drolul eo naetan Family Programs Hawaii ak (Resources Families Support Services Program) rein rej jiban baamle ro rej foster kokajariri. • Kwomaron bok lajrak in jikin kaminene ko emoj kamalimi ñon aer komman kaminene ak training ko ippen ri jermal in koman license in kokajariri eo, ne ejab call e Warm Line eo ñan am lelok etam ñon am register. <p>- Ewor kaminene ko rej bar komman ilo online; kir lak Warm Line eo ñon am register.</p> <p>- Ewor Ri konono ro im iien kaminene ko rej kommani aolep iien, kir lak Warm Line eo ñon am register.</p>

<p>Jodrikdrik ro im Ro Rar Drik im Rittolak im Rej Druojlak Jen Program in Foster</p>	<p>Kenono ippen ri jermal eo an ajri eo ak Social Worker eo ñon am lelok etan ajri eo ñon program kain an jodrikdrik ro, ne ejab, kir lak Warm Line eo ñon melele ko relaplak:</p> <p>1. Independent Living Program (ILP) Services: Program in ej jipañ jodrikdrik ro (12 aer iio im loñlak) katak wawein mour bwe ren lak rittolak ren maroñ jela mour makelak aer.</p> <p>2. E Makua Ana Youth Circle (YC): Drolul in ej jibañ kepooje jodrikdrik ro ilo foster program eo ilo aer druojlak jen program in foster eo. Jibañ er bwe ren jela mour makelak aer.</p> <p>3. Hawai'i Foster Youth Coalition: Drolul in ej jipañ jodrikdrik rain ilo ruo wawein ko. Juon, ej koba juon trieep non Kaho'olawe – bwe ren katak wawien kamoik metak ko rej añjaki ilo kelemenlakjen ko aer – katak kain rej bedbed ion manit. Eo juon, ej juon program in katak jermal eo ej naetan "HI Rising".</p> <p>4. Hawai'i Youth Opportunities Initiative and HI H.O.P.E.S Youth Leadership Board: Jipañ ñon jodrikdrik ro (14-26 aer iio) ilo an program jab in jermal ippen ro uan Kien kab company ko ñon aer kakomani kakien ko bwe ren jibañ jodridrik ro, ej bar jipañ leloñlak anikien jodrikdrik ro bwe en loñ anikier ilo jukjuk im bed eo, ej bar etale katak ko ikkijien jodrikdrik, im ej borainwot komman an kwon ippen ro ilo jukjuk im bed eo ñon koman ial in jipañ non jodridrik ro.</p> <p>5. Imua Kakou (IK): Program in ej pellok non jodrikdrik ro reitoklimo kotoan iio ko 18-21 im emoj are jino druojlak jen umin pain program in foster eo im repojak in mour makelak aer. Emaroñ etal ñon rein repojak im mour makelak aer, jaan in jipañ eo naetan Foster board reimbursement im ej ellok \$776 aolep alloñ, koba wonan bus im tarin \$1,026 wonan nuknuk (jaan in emaron etal non nuknuk ak kal ñon aolep ajri ro rar bed umin pain program eo an foster). Jodrikdrik ro rej aikuj bed wot ilo jiluuk ainwot college ak jikin kaminene ko jet bwe jaan in en maroñ etal non er.</p> <p>6. Project non lien lo dron: Kottopar eo ej ñon aer ain ajri ro rej jeim-jati, botab emoj an program in foster eo kejenolak jikin jokwe ko aer jen dron, project in ej kepooj juon raan aolep alloñ bwe ajri rein ren lo dron. Ion Oahu wot.</p> <p>7. Foster Hope Hawaii App (Etan Juon kain jermal kwomaroñ kojermal ilo cell phone eo neijum): Eñiin ej juon kain jermal eo ej jermal ilo cell phone eo neijum im jodridrik ro ilo program in foster eo remaroñ kojermal ñon aer jibadreklak iia ko remaroñ ello jipañ ikkijien ejmour, imon jokwe, jikin jelalakjen ko, wawein kabudget ak kojparok jaan, im kappok jermal. Kwomaroñ kojermal ilo iPhone ak Android cell phone ko.</p>
<p>Karok ko ñon Wawein Emakitkit ak Ito-tak</p>	<ul style="list-style-type: none"> • Mokta jen am ekeke ñon aeloñ ko ilikin ippen ajri in foster kokajriri eo, ej aikuij wor am melim jen Jinen im Jemen ajri eo. <i>EMO an ajri ro kelak jen aeloñ eo rej bed ie, mai iien emoj an imon ekjet eo kamilimi.</i>

	<ul style="list-style-type: none"> • Case ko rej voluntary: Ñe jinen im jemen ajri eo rej jab kamalim an ajri eo ekake, melelein ajri eo ej jab maroñ ekake. Wawein bwe Imon Ekjet eo en maroñ kamalim an ajri eo ilo foster program eo ekeke; kajitok in ej aikuij etal ñon Imon Ekjet eo 3-4 wiik ko mokta. • Case ko ilo Imon Ekjet eo: Ñe ewor malim jen jinen im jemen ajri eo im GAL/CASA eo, kiio kom aikuij kojelaiklak imon ekjet eo ke jinen im jemen ajri eo koba GAL/CASA rej kamalimi. Ñe jinen im jemen ajri eo im GAL/CASA rej jab kamalimi an ajri eo ekake, kwoj aikuij komman am motion ak kajitok lak ñon Imon Ekjet eo bwe ren bebe im lale ñe remaroñ katlak ak jab. Ilo iien ko kwoj jab maroñ topare jinen im jemen ajri eo, botab DHS im GAL/ CASA eo rej erre, kiio kom aikuij kojelaik lak Imon Ekjet eo im ba ke DHS ar kejjeoñ joñan wot an maroñ ñon aer pukot im topar jinen im jemen ajri eo ak ejjelok toprak ako ro jen DHS im GAL/CASA eo rej kamalim an ajri eo ekeke ippam.
--	---

Jikin Jipañ ko jet ilo aolepen Hawaii in

(Kir lak Warm Line eo ñon melele ko relap lak ikkijen aolep droulul ko remaroñ jiban im kepaak ri jermal eo an ajri eo ak social worker eo bwe en jino lelok etan ajri eo im jibañ eok apply ñon program in jibañ ko jet)

Program eo naetan Child Care Connection Hawaii: Ej lelok jaan in jibañ ñan baamle ko rej añjaak abañ ilo an jabwe wonan mour, im lelak jaan in jibañ kolla wonan kokajariri in raan bwe jinen im jemen ajri eo ren maron jermal. Ro im rej Ri Kajariri umin foster program eo rej maroñ apply. Jikin ko: Oahu-Honolulu 566-2600; Oahu-Waipahu 356-5577; Hilo 961-6807; Kauai 245-2193; Kona 334-6101; Maui (ekoba Molokai im Lanai 249-2461)

Ra eo an Jelalakjen ak DOE im Ro rej “Surrogate Parents” – ro im Ra eo an Jelalakjen rej jitoñ er bwe ren jiban kain ajri eo ewor an mojno ilo enbwin ak kemlij: Ñe foster kokajariri eo ej maroñ bed ilo program in special education, kwomaron kepaak jikuul eo bwe ren jitoñi juon an rijipañ ilo jikuul, juon eo im ej naetan “surrogate parent”

Early Intervention Referral Line (Wawein lelok etan ajri jidrikdrik eo kwoj kile emaroñ wor an mojno ilo enbwin ak kemlij): Ejo kwoj etal non mokta ñon am bok melele im jibañ ñe kwoj kile ke emron wor an ajri eo (ro 0-3 aer iio) mojno, bar ñan ro rej kappok melele kon wawein kadreloñe ajri eo epojak ñon preschool eo an special education (ñon ajri ro 3-5 aer iio). Ion Oahu, kir lak: 594-0066 ak 1-800-235-5477 (Ejjelok wonan call)

Learning Disabilities Association of Hawaii (LDAH): Drolul in ej ajej melele ko im borainwot ri jermal ro aer remaroñ jipañ komeleleik eok im kobawaj ilo kwelok in Special Education-IEP eo ippen ri kajariri eo

Nurse ro an Public Health (PHN): Kepak lak nurse ro ñe kwoj aikuij jibañ ilo kilen wawein kokajaririki niñniñ eo kab ajri ro (jen niñniñ lak ñan ajri ro 3 aer iio), elap melele ko ippen nurse ro, rejela katikin ro rej kab neji, renaaj lewoj jet ñaan in rejañ im melele ko bwe kwon jela kojparoke niñniñ eo, rej etale ejmour eo an ajri eo im lale ñe emman an eddreklak, remaroñ jipan lelok etan ajri eo ñon opij ko jet im rej bar etale ajri ro.

Program in jipan eo naetan Women Infant Children (WIC): Ajri ro ilo foster program eo, ro im rej lalim (5) aer iio im lallak, rej maroñ bok jipan jen program in eo im ej jibañ kon mona, takto im program in ekatak ko kon kain mona ko reuñ kubdren.

Website Ko Ewor Jipan

www.humanservices.hawaii.gov – An Ra eo an Human Services ilo Hawai‘i eo im eloñ kain melele ko kin kain program in jibañ ko kajojo, ekoba kakain ko rej jermal umin Ra in.

www.auw211.org – Website eo an Aloha United Way’s 211, kwomaroñ liñiri lajrak in aolepen opij ak drolul in jibañ ko kajojo rej jermal ilo Hawaii.

www.cwla.org – Website eo an Child Welfare League eo an Amerika, ewor melele kon program ko, book in riit ko, kab program in kaminene ak kwelok rej komman ilo aolepen jikin ilo Amerika.

www.FamilyProgramsHawaii.org – Website eo an Family Programs Hawai‘i eor melele ko im lajrak in opij ko, im program in jiban Ri Kajariri ro, im lajrak in ro remaroñ jipañ koba iien kaminene ko rej komman aolep alloñ.

www.FosterParentCollege.com & www.fosterparents.com – Website eo an “Foster Parent College” im “Foster Care & Adoptive Community” (ak drolul eo an ro rej kokajariri), ewor melele ilo website in ikkijen iien kaminene ak katak ko rej komman online. Katak kain ilo website in rej ikkijen abañ ko ro im rej Ri Kajariri ekke aer kijjon ioni. Rikajariri ro remaron bok-i im kauñulak awa in katak ko aer ilo aer bok class ko rej koman ilo online. Kepak Warm Line eo ñon am maroñ bok class kain ilo ejjelok wonan.

www.nfpainc.org – Website eo an National Foster Parent Association eo ej ajej melele ikkijen program ko, koba training ak iien kaminene ko im jikuul ko, jaan in jikuul ko ak scholarship ko im ej kwalok lajrak in website ko jet.

www.pidfoundation.org – Website eo an Partners in Development Foundation eo im ewor melele ikkijen Hui Ho’omalū im program ak project ko jet ñon jiban jukjuk im bed eo, elaptata ri Hawaii ro ilo jukjuk im bed eo.

Ri jermal ro jen Ra eo an Human Services (Department of Human Services) im ro jen Family Programs Resources Families Support Services rar aini melelele kain, im ekoba tok melelel ko jen “It Takes an Ohaha (ITAO)” im ko jet.

Ejjelok melele ilo page in



MELELE KO ÑAN BAAMLE EO EJ KOKAJARIRI

Page eo ñon eltan pain Ri Kajariri Eo

Ilo ao likit eltan peiu ilal, ij kalimur ke ri jermal in License eo an DHS ar tibdriki tok melele ko ñan ña/kom ikkijen 'Resource Family Basics' ak melele ko ikkijen joun eo ej bok eddoin jermal in Foster Kokajariri ak Ri Kajariri _____.

Raan Eo (Alloñ/Raan/Iio)

Eltan pain Ri Kajariri Eo 1

Je molin etan Ri Kajariri Eo 1

Eltan pain Ri Kajariri Eo 2

Je molin etan Ri Kajariri Eo 2

Eltan pain ri jermal in License eo an DHS

Je molin etan ri jermal in License eo an DHS